

MAKINA ERREMINTA ARLOKO PRESTAKUNTZA TEKNIKORAKO FUNDAZIOAREN KONTRATAZIORAKO BARNE JARRAIBIDEAK

A. Aplikatu beharreko kontratazio esparrua

B. Erregulazio harmonizatuaren menpe ez dauden kontratuak

- I. Orokorrean aplikatu beharreko arauak
 1. Kontratazio organoa
 2. Kontratistek bete beharreko baldintzak
 3. Kontratuaren elementuak
 4. Kontratua prestatzea
 5. Kontratua egitea
 6. Kontratua gauzatzea
- II. Plegua
- III. Esleitzeko prozedurak
 1. Obra kontratuak
 2. Gainerako kontratuak (hornidura, zerbitzuak eta beste batzuk)
- IV. Errekurtoak

C. Erregulazio harmonizatuaren menpe dauden kontratuak

- I. Orokorrean aplikatu beharreko arauak
 1. Espezialitateak, kontratistek bete beharreko baldintzei dagokionez
 2. Kontratua prestatzea
 3. Kontratua gauzatzea eta formalizatzea
- II. Plegua
- III. Esleitzeko prozedura
- IV. Errekurtoak
 1. Prestatzea eta esleitzea
 2. Ondorioak eta amaiera
- V. Ofizioz berraztertzea

D. Kontratatzailearen profila

I. Eraskina

II. Eraskina

III. Eraskina

MAKINA ERREMINTA ARLOKO PRESTAKUNTZA TEKNIKORAKO FUNDAZIOAREN KONTRATAZIORAKO BARNE JARRAIBIDEAK

A. APLIKATU BEHARREKO KONTRATAZIO ESPARRUA

Makina Erreminta Arloko Prestakuntza Teknikorako Fundazioa (aurrerantzean IMH) fundazioa da non bere eraketan parte hartu duten Eusko Jaurlaritzak, Gipuzkoako Foru Aldundiak eta Elgoibarko Udalak, eta baita enpresa pribatu eta finantza erakundeek ere. IMH irabazi asmorik gabeko erakundea da eta bere xedea da Euskal Herrian sektore metalmekanikoan gaitasun berritzaile eta enpresen dinamismoa handitzeko gaitasunetan laguntzea, pertsona eta enpresen garapen konpetentzian eragingo duten ekintzak garatuz.

Sektore Publikoko Kontratuen Legearen testu bategina onartzen duen azaroaren 14ko 3/2011 Legegintzako Errege Dekretuaren ondorioetarako (aurrerantzean SPKLTB edo Legea), **IMH "sektore publikoaren" parte da** (Lege horren 3.1.d. Artikuluan aurreikusten denaren arabera), eta, herri administrazio bat ez bada ere, Lege horretan 3.3. artikuluan- **"botere esleitzzaile"** gisa hartzeko aurreikusten diren ezaugarriak betetzen ditu. Horrenbestez, **aplikatzekoak zaizkio SPKLTBn ondorio horretarako aurreikusten diren aginduak.**

IMHk egiten dituen **kontratuak pribatuak dira.**

IMHk egiten dituen kontratuak honako kategoria hauetan sailkatzen dira:

1. **Legearen menpe ez dauden kontratuak**, hau da, ordenamendu juridiko pribatuaren edo, hala badagokio, aplikatzekoak zaizkion arau berezien menpe daudenak. SPKLTBren 4. artikuluan deskribatutako kontratuak dira (jarraibide hauen I. eranskin gisa txertatu da 4. artikuluko hori). **Ez zaizkie honako jarraibide hauek aplikatu behar.**
2. **Legearen menpe dauden kontratuak, erregulazio harmonizatuko izaerarik ez dutenak.** Kontratu guztiak dira, hurrengo kategoriakoak izan ezik. Jarraibide hauen **B atalean aurreikusten dena** izango zaie aplikatzekoa.
3. **Legearen menpe dauden kontratuak, erregulazio harmonizatuko izaera dutenak.** Jarraibide hauen **C atalean aurreikusten dena** izango zaie aplikatzekoa. Honako kontratu hauek dira:
 - Obra kontratuak, 5.000.000 euroko balioa edo balio handiagoak dutenak.
 - Hornidura kontratuak, 2.000.000 euroko balioa edo balio handiagoa dutenak.
 - Zerbitzu kontratuak, SPKLTBren II. eranskineko 1etik 16ra bitarteko kategorietan sartzen direnak eta 200.000 euroko balioa edo balio handiagoa dutenak.

Zenbateko horiek¹ BEZ gabeko zenbatekoak dira.

Edo Europako Batzordeak ezartzen duen zifra, SPKLTBren hamaikagarren xedapen gehigarrian aurreikusitakoaren arabera. Zenbatekoa edozein izanik ere, ez dira inola ere erregulazio harmonizatuen menpe dauden kontratuak izango SPKLTBren 13.2 artikuluan deskribatutakoak (jarraibide hauen II. eranskin gisa txertatu da 13.2 artikuluko hori), ezta SPKLTBren II. eranskineko 17tik 27ra bitarteko kategorietako zerbitzu kontratuak ere.

¹Edo Europako Batzordeak ezartzen duen zifra, SPKLTBren hamaikagarren xedapen gehigarrian aurreikusitakoaren arabera.

B. ERREGULAZIO HARMONIZATUAREN MENPE EZ DAUDEN KONTRATUAK

Honako kontratu hauek dira:

- Obra kontratuak, 5.000.000 euro baino balio txikiagoa dutenak.
- Hornidura kontratuak, 200.000 euro baino balio txikiagoa dutenak.
- Zerbitzu kontratuak, SPKLTBren II. eranskineko 1etik 16ra bitarteko kategorietan sartzen direnak eta 200.000 euro baino balio txikiagoa dutenak.

Zenbateko horiek BEZ gabekoak dira.

- Zerbitzu kontratuak, SPKLTBren II. eranskineko 17tik 27ra bitarteko kategorietan sartzen direnak eta 13.2 artikuluan aipatzen direnak, horien zenbatekoa edozein izanik ere

I. Orokorrean aplikatu beharreko arauak

1. Kontratazio organoa

IMHn Estatutuek eta aplikatzekoak diren zuzenbide pribatuko arauak eraenduko dute kontratazko ahalmena.

Honako hau da kontratazio organoa:

- a) 60.000 euro edo gutxiagoko kontratuetan:
 - Zuzendari gerentea
 - edo Administrazio Kontseilua.
- b) 60.000 eurotik gorako zenbatekoa duten kontratuetan:
 - Zuzendari gerentea, Administrazio Kontseiluko presidentearekin edo presidenteordearekin batera
 - edo Administrazio Kontseilua bera.

Kontratazio organoak kontratuarekin zerikusia duten jardun zehatzak gauzatzeko egokiak diren kasuan kasuko pertsoneri ahalmena eman ahal izango die.

2. KONTRATISTEK BETE BEHARREKO BALDINTZAK

Honako baldintza hauek bete eta egiaztatzen dituzten kontratistek kontrata dezakete IMHk:

2.1. Gaitasun baldintzak

Legearen 54. artikuluan aurreikusten direnak izango dira.

Legearen 55. artikulua (Europako Erkidegokoak ez diren enpresetarako) eta 56. artikulua (bateragarritasuneko baldintza bereziak) izango dira aplikatzekoak.

2.2. **Ahalmena**

Legearen honako artikulua hauek eskatzen den ahalmena izango da: 57. artikuluan (pertsoneko ahalmena), 58. artikuluan (Europako Erkidegoko enpresen ahalmena) eta 59. artikuluan (enpresaburuen elkarteen ahalmena).

Legearen 72. artikuluan ezartzen den moduan egiaztatuko da ahalmena.

2.3. **Kontratatzeko debekurik ez izatea**

Kontratatzeko debekuei buruzko 60.1 artikulua eta kontratatze debeku horiek ez dagozkiola frogatzeko moduei buruzko 73. artikulua aplikatuko dira.

2.4. **Kaudimenaren gutxieneko baldintzak**

Kaudimen ekonomiko, finantzario eta teknikoko gutxieneko baldintzak -kasuak kasuklausula ekonomiko eta administratiboen pleguan ezarriko dira, eta bertan ezarritako moduan egiaztatuko dira.

Plegu horretan, kaudimena justifikatzeko aurkeztu beharreko dokumentuak ez ezik, kaudimen hori egiaztatze gutxieneko atalaseak ere identifikatuko dira.

Honako artikulua hauek aplikatuko dira: 62. artikulua (kaudimenaren eskakizuna), 63. artikulua (kaudimena kanpoko bitartekoekin integratzea) eta 64. artikulua (kaudimen baldintzen zehaztapena).

2.5. **Sailkapena**

Klausula ekonomiko eta administratiboen pleguan aurreikusten den kasuetan soilik eskatuko da administrazio sailkapena.

3. **KONTRATUAREN ELEMENTUAK**

3.1. **Kontratuaren xedea**

Erakundearen xedeak betetzeko eta gauzatzeko beharrezkoak direnean egingo ditu kontratuak IMHk. Zehatz-mehatz finkatuko dira proiektatutako kontratuaren bidez estali nahi diren premien izaera eta hedadura, eta premia horiek asetzeko xedearen eta edukiaren egokitasuna. Edonola ere, prestakuntza dokumentazioan jasotakoak da hori guztia.

Legearen 86. artikuluan xedatutakoaren arabera zehaztuko da kontratuaren xedea.

3.2. **Kontratuaren iraupena**

IMHk honako alderdi hauek hartuko ditu aintzat kontratuaren iraupena finkatzean: zerbitzuen izaera, finantziarioaren ezaugarriak, eta zerbitzuak aldian behin konkurrentziaren menpe jartzeko beharra. Ondorio horretarako, 23. artikuluan xedatutakoa aplikatuko da.

Egin daitezkeen luzapenak klausula ekonomiko eta administratiboen pleguan aurreikusiko dira espresuki.

Zuzeneko esleipenaren ondoriozko 50.000 eurotik beherako zenbatekoa duten obra kontratuak eta 18.000 eurotik beherako zenbatekoa duten bestelako kontratuak (BEZ kanpo) urtebeteko iraupena izango dute gehienez, eta ezin izango dira luzatu.

3.3. **Prezioa**

Kontratuaren prezioari, zenbatetsitako balioaren kalkulari eta lizitazio aurrekontua zehazteari buruzko 87. eta 88. artikuluen arauak aplikatuko dira, betiere, herri administrazio bat ez izatearen ondoriozko egokitzapenekin.

Klausula ekonomiko eta administratiboen pleguan aurreikusten diren kasuetan soilik berraztertuko dira prezioak.

4. **KONTRATUA PRESTATZEA**

4.1. **Eskaera**

Zuzeneko esleipena bidezkoa denean izan ezik, kontratazioari hasiera emateko, jarraibide hauen III. eranskin gisa gaineratzen den formularioa bete beharko dute IMHko barneko langileek. Formulario horretan jasoaraziko dira proiektatutako kontratuaren bidez estali nahi diren premien izaera eta hedadura, eta premia horiek asetzeko xedearen eta edukiaren egokitasuna.

4.2. **Pleguak**

Nahitaezkoa izango da 50.000 euroko zenbatekoa (BEZ kanpo) gainditzen duten kontratu guztietan plegu bat egitea. Obra kontratuaz bestelako kontratuetan ere plegua egin ahal izango da –kontratazio organoak erabakitzen duenaren arabera–, betiere, kontratuaren zenbatekoa 18.000 eurotik gorakoa (BEZ kanpo) denean.

Zenbateko hori gainditzen duten kontratuetan, klausula ekonomiko eta administratiboen pleguarekin batera baldintza teknikoen plegua ere aurkeztu beharko da.

Pleguan bertan edo dokumentazio osagarrian, hala dagokion kasuetan, lan kontratuen subrogazio baldintzei buruzko informazioa eman beharko da, SPKLTBren 120. artikuluan ezarritakoari jarraituz.

200.000 euroko zenbatekoa edo zenbateko handiagoa duten obra kontratuak lizitatzean, edo 60.000 eurotik gorako zenbatekoa duten bestelako kontratuak lizitatzean, berraztertu egingo dira plegu horiek, eta txosten juridikoaren menpe egongo dira.

Obra kontratuetan, halaber, dagokion obra proiektua landuko da, eta, hala badagokio, baldintza teknikoen plegua ordezkatu ahal izango du.

SPKLTBren II. eranskineko 17tik 27ra bitarteko kategorietan sartzen diren zerbitzu kontratuak, 200.000 euroko zenbatekoa edo zenbateko handiagoa dutenak, SPKLTBren 137.1. artikuluan aurreikusten denaren menpe egongo dira.

5. **KONTRATUA EGITEA**

Kontratua formalizatzearekin batera gauzatuko da behin betiko kontratua.

Kontratua idatziz formalizatuko da.

Bidezkoa izateagatik, kontratuaren zuzeneko esleipenera jotzen bada, kontratuaren formalizazioa dagokion aurrekontua jaulkitzera eta onarpen idatziaren komunikaziora mugatu ahal izango da.

Klausula ekonomiko eta administratiboen plegua lantzen ez bada, sinatzen den kontratuak halabarrez barne hartu beharko ditu SPKLTBren 26. artikuluan

adierazten diren aipamenak.

Kontratuan ez dira, inola ere, barne hartuko pleguetan aurreikusten direnez bestelako eskubideak eta betebeharrak, betiere, aurkeztutako eskaintzaren ondoriozko zehaztapenekin eta esleipen ekintzaren doitasunekin.

6. KONTRATUA GAUZATZEA

Kontratuaren ondorioei eta iraungipenari dagokienez, pleguetan aurreikusten diren terminoak aplikatuko dira, eta, hala erabakitzen bada, herri administrazioen kontratazio araudira jo ahal izango da. Edonola ere, eta aurrekoaren ordezkotza gisa, zuzenbide zibilean aurreikusitakoa aplikatuko da, kontratua aldatzeari dagokion atalean izan ezik, SPKLTBren I. liburuko V. izenburuan xedatutakoa aplikatuko baita kasu guztietan (105., 106., 107. eta 108. artikulua).

II. Plegua

Klausula ekonomiko eta administratiboen pleguak honako alderdi hauek eduki beharko ditu, prozedura negoziatuaren berezko berezitasunekin:

- Kontratazio organoa.
 - Publizitatea, kontratatzailearen profileraren sartzeko modua eta publizitate gastuak.
 - Kontratuaren xedea, eta, hala badagokio, loteak.
 - Kontratuaren bitartez ase beharreko premiak eta aintzat hartu beharreko askotariko faktoreak.
 - Litzitazio oinarritzko aurrekontua eta, hala badagokio, urteko zenbatekoen araberrako banaketa.
 - Kontratuko dokumentazioa.
 - Kontratuaren iraupena, luzapenak zehaztuz, halakorik badago.
 - Kontratua esleitzeko prozedura: prozedura irekia, mugatua edo negoziatua.
 - Proposamenen aurkezpena:
 - Aurkezteko modua.
 - Forma eta edukia (aurkeztu beharreko dokumentazioa).
 - Aurkezteko epea eta tokia.
 - Kontratista:
 - Ahalmena.
- Gaitasun baldintzak.
- Kontratatzeko debekua.
 - Kaudimen ekonomikoa eta finantzarioa (dokumentuak eta gutxienerako

atalaseak).

- Kaudimen tekniko eta profesionala (dokumentuak eta gutxieneko atalaseak).

- Ebaluazioa eta esleipena:

- Esleitzeko irizpideak eta haztapena.
- Prozedura negoziatua denean, negoziatu beharreko alderdiak eta, hala dagokion kasuetan, esleitzeko irizpideak eta haztapena.
- Onartutako proposamenak irekitzea.
- Proposamenak ebaluatzea eta eskaintza ekonomiko onuragarriena aukeratzea.
- Eskaintza ekonomiko onuragarriena egin duen lizitatuak aurkeztu beharreko dokumentazioa.
- Kontratua esleitzea eta esleipena jakinaraztea.

- Esleipendunak, hala dagokionean, aurkeztu beharreko dokumentazioa eta epea.

- Kontratuaren formalizazioa eta epea.

- Aldeen eskubideak eta betebeharrak.

- Kontratua hartzea eta kontratatutako zerbitzuaren bermearren epea.

- Prezioaren ordaintzen erregimena.

- Kontratua suntsiarazteko kausak.

- Erregimen juridikoa eta jurisdikzioa.

Horrez gain, klausula ekonomiko eta administratiboen pleguak honako alderdi hauek ere jaso beharko ditu:

- Finantziarioa.

- Alderdiak edo hobekuntzak: onartzen diren edo ez diren adieraztea, betiere, onartzen diren kontratuaren baldintzak, mugak, modalitateak eta alderdiak zehaztuta.

- Prezioak berraztertzea (aplika daitezkeen formula edo indize ofiziala adieraziz), SPKLTBren 87. artikulua 3. atalean ezarritakoaren arabera.

- Behin-behineko edo behin betiko bermeak.

- Sailkapena.

- Ahalmenaren eta kaudimenaren eskakizunak betetzearen egiaztagiriak aztertu diren data.

- Kontratua aldatzeko aukerarik ba ote dagoen. Horretarako, modu argi, zehatz eta ezin nahasizko batean zehaztu behar da ea zer baldintzatan erabili ahal

izango den aldaketa hori, zer irismen eta zer muga duten adostutako aldaketek, kontratu prezioaren zer ehunekotan izan dezaketen eragina gehienez ere, eta zer prozedurari jarraitu behar zaion horretarako. Betiere, SPKLTBren 106. artikulua gai horri buruz jasotzen dituen erabakiak errespetatu eta bete behar dira.

- Kontratistari ezarritako konfidentziasun betebeharraren hedadura, denborari eta helburuei dagokienez.

- Lagapena eta azpikontratazioa: kontratua lagatzeko baldintzak adieraztea eta zerbitzuak identifikatzea, edo kontratistak kontrata ditzakeen zerbitzuen ehunkoa identifikatzea (SPKLTBren 226.2.c eta 227.5 artikuluei dagokienez).

- Atzerapenen ondoriozko eta gauzatze akastunaren ondoriozko zigorrak.

- Ordenamendu juridikoaren aurkakoa ez den beste edozein itun, klausula eta baldintza.

III. **Esleitzeko prozedurak**

SPKLTBren 191. artikuluan aurreikusitakoari jarraituz, kontratu moten eta zenbatekoen araberako esleipen prozedurak emango dira aditzera.

Ondoren aditzera emango denaren kalterik gabe, kontratazio organoak lehiarako elkarrizketa prozedurara jo ahal izango du, betiere, 179. artikulutik 183. artikulura bitartean aurreikusten diren suposizioetan eta bertan adierazten diren ondorioekin.

Era berean, kontratazioa arrazionalizatzeko sistemetara jo ahal izango du (esparru akordioak, kontratazio sistema dinamikoak eta kontratazio zentralak). Hala eginez gero, 196. artikulutik 205. artikulura bitartean erregulazio harmonizatuaren menpe dauden kontratuetarako aurreikusten dena bete beharko da.

1. **Obra kontratuak**

1.1. **Zenbatekoen araberako bereizketa**

Obra kontratuari dagokionez, obraren zenbateko ekonomikoaren araberako hiru prozedura bereiziko dira. Horrela:

a) 49.999,99 eurora arteko zenbatekoa duen obra kontratua.

b) 50.000 eta 999.999,99 euro bitarteko zenbatekoa duen obra kontratua.

c) 1.000.000 eta 4.999.999,99 euro bitarteko zenbatekoa duen obra kontratua.

Zenbateko horiek² BEZ gabeko zenbatekoak dira.

1.2. **49.999,99 eurora arteko zenbatekoa duen obra kontratua**

Mota horretako kontratuetan, oro har, **zuzeneko esleipenera joko da**. Bidezko aurrekontua eskatuko da, eta, IMHK onartu ostean, dagokion kontratua sinatuko da. Nolanahi ere, nahikoa izan daiteke aurrekontu hori onartzen dela espresuki eta idatziz adieraztea.

²Edo Europako Batzordeak ezartzen duen zifra, SPKLTBren hamaikagarren xedapen gehigarrian aurreikusitakoaren arabera.

Kontratua bete dela egiaztatu ondoren ordainduko da prezioa. Dena den, aurretik kontratistak faktura aurkeztu beharko du, eta faktura hori onartu egin beharko da.

Edo Europako Batzordeak aurrerantzean finkatzen duen zenbatekoa, SPKLTBren hamaikagarren xedapen gehigarrian aurreikusten denaren arabera.

Haatik, prozedura negoziatu ireki edo mugatura ere jo ahal izango da, eta kasu horretan hurrengo atalean xedatzen dena izango da aplikatzekoa.

1.3. 50.000 eta 999.999,99 euro bitarteko zenbatekoa duen obra kontratua.

Mota horretako kontratuetan, **prozedura negoziatu, ireki edo mugatu bidez esleituko da kontratua**. Hautatutako prozedura zehatza jasoarazi beharko da klausula ekonomiko eta administratiboen pleguan.

1.3.1. Prozedura negoziatua

Prozedura negoziatuaren aldeko hauta eginez gero, honako izapide hauek bete beharko dira:

- a) **Eskaera:** kontratazioaren eskaera egiteko, IMHko barneko langileek jarraibide hauen III. eranskin gisa gaineratzen den formularioa bete beharko dute.
- b) **Eskaintzen eskaera:** kontratuaren xedea betetzeko ahalmena duten hiru enpresari, gutxienez, eskatuko zaizkie eskaintzak. Dena den, ez da eskaintzarik eskatuko lizitazioa kontratatzailearen profilean argitaratzen denean.
- c) **Pleguak:** klausula ekonomiko eta administratiboen plegu bat (jarraibide hauen II. epigrafeko B atalean aurreikusten den edukiarekin), baldintza teknikoaren plegu bat, edo dagokion obra proiektua landuko da.

Dokumentu horiek berraztertu egingo dira, edo txosten juridikoaren menpe egongo dira, baldin eta kontratuaren zenbatekoa 200.000 eurotik gorakoa bada. Pleguan bertan edo dokumentazio osagarrian, hala dagokion kasuetan, lan kontratuen subrogazio baldintzei buruzko informazioa eman beharko da, SPKLTBren 120. artikuluan ezarritakoari jarraituz.

- d) **Publizitatea:** kontratuaren zenbatekoa 200.000 eurotik gorakoa denean, kontratatzailearen profilean eman beharko da argitara kontratuaren lizitazioa.

Kontratuaren esleipena kontratatzailearen profilean argitaratuko da.

Hori guztia atal honen g) letran aurreikusten denaren kaltetan izan gabe.

- e) **Ebaluazioa:** klausula ekonomiko eta administratiboen pleguan zehaztuko dira enprekin negoziatu beharreko alderdi ekonomikoak eta teknikoak, eta, hala dagokionean, baita esleitzeko irizpideak eta haztapena ere.

Negoziatu beharrekoak negoziatu ondoren, eta, betiere, aurkeztutako azken eskaintzak ikusi ondoren, IMHko teknikariek kontratazio organoari bidaliko dizkiote proportzioz kanpokatze edo anormaltzat hartu ez diren proposamenak, eta eskaintza ekonomiko onuragarriena zein den adieraziko diote.

Idatziz jasoko dira, hala badagokio, bidalitako gonbidapenak, jasotako eskaintzak, eskaintzak onartzeko edo baztertzeko arrazoiak, eta egindako negoziazioak. 200.000 euro baino gehiagoko kontratuetan, proposamenarekin batera, txosten juridikoa bidaliko da.

- f) **Kontratua esleitzea:** kontratazio organoak eskaintza ekonomiko onuragarriari esleituko dio kontratua, teknikarien proposamena ezagutu ondoren.

Kontratazio organoak kontratuaren esleipena erabakiko du, eta lizitatuzaileei jakinaraziko zaie, kontratatzailearen profilean argitaratzearekin batera.

Kontratazio organoaren eta teknikarien proposamenek bat egiten ez badute, kontratazio organoak bere erabakiaren arrazoiak azaldu beharko ditu.

- g) Aplikatzekoak diren beste suposizio batzuk: Legearen 170. eta 171. artikuluetan –a), b) eta c) ataletan– aurreikusten diren kontratuetan ere prozedura negoziatura jo ahal izango da, kontratuaren zenbatekoa edozein izanik ere.

Kasu horietan, 170. artikuluan a) eta b) ataletan eta 171. artikuluan a) talean zehaztutako suposizioetan baino ez da emango argitara lizitazio iragarkia kontratatzailearen profilean.

Klausula ekonomiko eta administratiboen pleguan, edo jarraibide hauetan bertan espresuki aurreikusten ez diren alderdietan, Legearen 151. (1., 2. eta 3. atalak), 169., 176., 177. eta 178. artikuluetan ezarritakoa izango da aplikatzekoa, baita, adierazitako artikuluek horiek igorrita, aplikatzekoak izan daitezkeen beste artikuluek batzuetan ezarritakoa ere. Edonola ere, herri administrazio bat ez izatearen ondorioz, beharrezkoak diren egokitzapenak egin beharko dira.

1.3.2. **Prozedura irekia edo mugatua**

50.000 eta 999.999,99 euro bitarteko zenbatekoa duten obra kontratuetan, prozedura irekira edo mugatura jotzen bada, ondorengo atalean zehaztutakoa aplikatu beharko da, c) paragrafoan publizitateari buruz ezarritakoa izan ezik. Azken kasu horretan, kontratatzailearen profilean lizitazio iragarkia eta kontratuaren esleipena argitaratuta publizitate printzipioak ezartzen duen betebeharra beteta gelditzen dela ulertuko da.

Era berean, kontratuaren zenbatekoa 200.000 eurokoa edo gutxiagokoa denean, ez da klausula ekonomiko eta administratiboen pleguaren, baldintza teknikoaren pleguaren eta dagokion obra proiektuaren azterketarik eta txosten juridikorik egingo.

1.4. **1.000.000 eta 4.999.999,99 euro bitarteko zenbatekoa duen obra kontratua.**

Mota horretako kontratuetan, **prozedura ireki edo mugatu** bidez esleituko da kontratua. Hautatutako prozedura zehatza jasoarazi beharko da klausula ekonomiko eta administratiboen pleguan.

Prozedura irekiaren zein mugatuaren aldeko hauta egiten bada, honako arau hauek hartu beharko dira aintzat:

- a) **Eskaera:** eskaera egiteko, IMHko barneko langileek jarraibide hauen III. Eranskin gisa gaineratzen den formularioa bete beharko dute.
- b) **Pleguak:** klausula ekonomiko eta administratiboen plegu bat (jarraibide hauen II. epigrafeko B atalean aurreikusten den edukiarekin), baldintza teknikoaren plegu bat, edo dagokion obra proiektua egingo da.

Dokumentu horiek berraztertu egingo dira, edo txosten juridikoaren menpe egongo dira.

Pleguan bertan edo dokumentazio osagarrian, hala dagokion

kasuetan, lan kontratuen subrogazio baldintzei buruzko informazioa eman beharko da, SPKLTBren 120. artikuluan ezarritakoari jarraituz.

- c) **Publizitatea:** lizitazioa argitara eman beharko da, gutxienez, kontratatzailearen profilean eta Gipuzkoako Aldizkari Ofizialean, edo kontratatzailearen profilean eta probintziako egunkari batean. Bestalde, egin den aukera zehatza eman beharko da aditzera klausula ekonomiko eta administratiboen pleguan.

Kontratuaren esleipena kontratatzailearen profilean argitaratuko da.

- d) **Proposamenak aurkezteko epea:** klausula ekonomiko eta administratiboen pleguan zehaztuko da proposamenak aurkezteko epea; alabaina, ez da inoiz hogeita sei (26) egun baino gutxiagoko epea izango. Haatik, kontratazio organoaren iritziz, epea murriztea justifikatuko duten zirkunstantzia bereziak gertatzen direnean, laburragoa izan daiteke epea.

- e) **Proposamenak aurkezteko modua:** proposamenak sekretuak izango dira, eta gutunazal itxietan aurkeztuko dira, klausula ekonomiko eta administratiboen pleguan zehazten den moduan.

- f) **Ebaluazioa:** kontratazio organoak zehaztuko ditu kontratua esleitzeko oinarri izango diren irizpideak, baita horien haztapena ere. Iragarkian eta klausula ekonomiko eta administratiboen pleguan adieraziko dira.

Kontratuaren xedearekin zuzenean lotzen diren irizpideak izan daitezke, hala nola kalitatea, prezioa, obraren erabileraren ondoriozko ordainsariak berraztertze erabil daitezkeen formula, zerbitzua gauzatzeko edo egiteko epea, erabiltzearen kostua, ingurumen ezaugarriak, gizarte eskakizunekin lotzen diren ezaugarriak, errentagarritasuna, balio teknikoa, ezaugarri estetikoak edo funtzionalak, ordeko piezen eskuragarritasuna eta kostua, mantentze lanak, laguntza teknikoa, salmenta osteko zerbitzua, eta antzeko beste batzuk.

Klausula ekonomiko eta administratiboen pleguan, honako zeregin hauek izango dituen Batzordearen ezaugarrien berri emango da: aurkeztutako proposamenak ebaluatzeko txosten objektibo bat egitea eta proportzioz kanpokotzat edo anormaltzat hartu ez diren proposamenen berri ematea kontratazio organoari, handienetik txikienera ordenatuta, klausula ekonomiko eta administratiboen pleguan aurreikusitako balioespen irizpideei jarraituz. Halaber, Batzorde horrek eskaintza ekonomiko onuragarrienaren berri emango dio kontratazio organoari. 200.000 euro baino gehiagoko kontratuetan, proposamenarekin batera, txosten juridiko bat bidaliko da, baldin eta Batzordean aholkularitza juridikorik barne hartu ez bada.

- g) **Kontratua esleitzea:** kontratazio organoak ekonomikoki eskaintzarik onuragarrienari esleituko dio kontratua, betiere, klausula ekonomiko eta administratiboen pleguan aurreikusitako balorazio irizpide objektiboen arabera, eta Ebaluazio Batzordearen proposamena aztertu ondoren.

Kontratazio organoak kontratuaren esleipena erabakiko du, eta lizitatzaleei jakinaraziko zaie, kontratatzailearen profilean argitaratzearekin batera.

Kontratazio organoak kontratua Ebaluazio Batzordeak eginiko

proposamenari jarraituz esleitu ezean, arrazoitu egin beharko du erabaki hori.

Plegu horretan edo honako jarraibide hauetan espresuki aurreikusten ez diren alderdietan, berriz, honako artikulua hauetan aurreikusitakoa aplikatuko da:

- prozedura irekirako eta prozedura mugaturako, 151. artikuluan aurreikusitakoa (1., 2. eta 3. atalak).

- prozedura irekirako, 157., 158., 160. (ez da inoiz aplikatzekoa izango adituen batzordearen edo erakunde tekniko espezializatuaren arloan aurreikusten dena) eta 161. artikuluetan aurreikusitakoa; prozedura mugaturako, 162., 163., 165., 166., 167. eta 168. artikuluetan aurreikusitakoa, baita, adierazitako artikulua horiek igorrita, aplikatzekoak izan daitezkeen beste artikulua batzuetan ezarritakoa ere. Bi kasu horietan, herri administrazioa ez izatearen ondorioz egin beharreko egokitzapenak izan beharko dira aintzat.

2. Gainerako kontratuak (hornidura, zerbitzuak eta beste batzuk)

2.1. Zenbatekoen arabera bereizketa

Kontratu horiei dagokienez (hornidura, zerbitzua eta beste batzuk), zenbateko ekonomikoaren arabera hiru prozedura bereiziko dira. Horrela:

a) 17.999,99 eurora arteko zenbatekoa duen kontratua.

b) 18.000 eta 99.999,99 euro bitarteko zenbatekoa duen kontratua.

c) Hornidura eta zerbitzu kontratuak, 100.000 eta 199.999,99 euro bitarteko zenbatekoarekin; eta gainerako kontratuak, zenbatekoetan mugarik gabe.

Zenbateko horiek³ BEZ gabeko zenbatekoak dira.

2.2. 17.999 eurora arteko zenbatekoa duen kontratua

Mota horretako kontratuetan, oro har, **zuzeneko esleipenera joko da**. Bidezko aurrekontua eskatuko da, eta, IMHK onartu ostean, dagokion kontratua sinatuko da. Nolanahi ere, nahikoa izan daiteke aurrekontu hori onartzen dela espresuki eta idatziz adieraztea.

Kontratua bete dela egiaztatu ondoren ordainduko da prezioa. Dena den, aurretik kontratistak faktura aurkeztu beharko du, eta faktura hori onartu egin beharko da.

Haatik, prozedura negoziatu ireki edo mugatuta ere jo ahal izango da, eta kasu horretan hurrengo atalean xedatzen dena izango da aplikatzekoa.

2.3. 18.000 eta 99.999,99 euro bitarteko zenbatekoa duen kontratua.

Mota horretako kontratuetan, **prozedura negoziatu, ireki edo mugatu bidez esleituko da kontratua**. Hautatutako prozedura zehatza jasoarazi beharko da klausula ekonomiko eta administratiboen pleguan. Halakorik ez badago, kontratazio organoak berak hautatuko du espresuki.

³Edo Europako Batzordeak ezartzen duen zifra, SPKLTBren hamaikagarren xedapen gehigarrian aurreikusitakoaren arabera.

2.3.1. Prozedura negoziatua

Prozedura negoziatuaren aldeko hauta eginez gero, honako izapide hauek bete beharko dira:

a) Eskaera: kontratazioaren eskaera egiteko, IMHko barneko langileek jarraibide hauen III. eranskin gisa gaineratzen den formularioa bete beharko dute.

b) Eskaintzen eskaera: kontratuaren xedea betetzeko ahalmena duten hiru enpresari, gutxienez, eskatuko zaizkie eskaintzak. Dena den, ez da eskaintzarik eskatuko lizitazioa kontratatzailearen profilean argitaratzen denean.

c) Pleguak: kontratuaren zenbatekoa 50.000 euro baino gehiagokoa denean, klausula ekonomiko eta administratiboen plegu bat (jarraibide hauen II. epigrafeko B atalean aurreikusten den edukiarekin) eta baldintza teknikoaren plegu bat egingo dira.

Dokumentu horiek berraztertu egingo dira, edo txosten juridikoaren menpe egongo dira, baldin eta kontratuaren zenbatekoa 60.000 eurotik gorakoa bada. Kontratuaren zenbatekoa 50.000 euro baino gehiagokoa denean, pleguan bertan edo dokumentazio osagarrian, lan kontratuen subrogazio baldintzei buruzko informazioa eman beharko da, SPKLTBren 120. artikuluan ezarritakoari jarraituz.

Kontratuaren zenbatekoa 50.000 eurokoa edo gutxiagokoa denean, hautazkoa izango da pleguak egitea.

d) Publizitatea: kontratuaren zenbatekoa 60.000 eurotik gorakoa denean, kontratatzailearen profilean eman beharko da argitara kontratuaren lizitazioa.

Kontratuaren esleipena kontratatzailearen profilean argitaratuko da.

Hori guztia atal honen g) letran aurreikusten denaren kaltetan izan gabe.

e) Ebaluazioa: klausula ekonomiko eta administratiboen pleguan zehaztuko dira enprekin negoziatu beharreko alderdi ekonomiko eta teknikoak, eta baita, hala dagokionean, esleitzeko irizpideak eta haztapena ere.

Negoziatu beharrekoak negoziatu ondoren, eta, betiere, aurkeztutako azken eskaintzak ikusi ondoren, IMHko teknikariek kontratazio organoari bidaliko dizkiote proportzioz kanpokatzen edo anormaltzat hartu ez diren proposamenak, eta eskaintza ekonomiko onuragarriena zein den adieraziko diote.

Idatziz jasoko dira, hala dagokionean, bidalitako gonbidapenak, jasotako eskaintzak, eskaintzak onartzeko edo baztertzeko arrazoiak, eta egindako negoziazioak. 60.000 euro baino gehiagoko kontratuetan, proposamenarekin batera, txosten juridiko bat bidaliko da.

f) Kontratua esleitzea: kontratazio organoak eskaintza ekonomiko onuragarrienari esleitzeko dio kontratua, teknikarien proposamena aztertu ondoren.

Kontratazio organoak kontratuaren esleipena erabakiko du, eta lizitatuzaileei jakinaraziko zaie, kontratatzailearen profilean argitaratzearekin batera.

Kontratazio organoak kontratua Ebaluazio Batzordeak eginiko proposamenari jarraituz esleitu ezean, arrazoitu egin beharko du erabaki

hori.

g) Aplikatzeakoak diren beste suposizio batzuk: Legearen 170. artikuluan, 173. artikuluan –a), b), c), d) eta e) ataletan–, 174. artikuluan –a), b), c), eta d) ataletan– eta 175. artikuluan aurreikusten diren kontratuetan ere prozedura negoziatura jo ahal izango da, kontratuaren zenbatekoa edozein izanik ere.

Kasu horietan, kontratatzailearen profilean lizitazio iragarkia baino ez da emango argitara, betiere, 170. artikuluko a) eta b) ataletako suposizioetan, 174. artikuluko a) ataleko suposizioetan, eta 175. artikuluko suposizioetan (zenbatekoagatik prozedura negoziatura jotzen denean, eta zenbatekoa 60.000 eurotik gorakoa bada).

Klausula ekonomiko eta administratiboen pleguan edo jarraibide hauetan bertan espresuki aurreikusten ez diren alderdietan, Legearen 151. (1., 2. eta 3. atalak), 169., 176., 177. eta 178. artikuluetan ezarritakoa izango da aplikatzeakoa, baita, adierazitako artikuluek igorrita, aplikatzeakoa izan daitezkeen beste artikuluek batzuetan ezarritakoa ere. Edonola ere, herri administrazio bat ez izatearen ondorioz, beharrezkoak diren egokitzapenak egin beharko dira.

2.3.2. **Prozedura irekia edo mugatua**

18.000 eta 999.999,99 euro bitarteko zenbatekoa duten mota honetako kontratuetan (hornikuntza, zerbitzuak edo bestelakoak), prozedura irekita edo mugatuta jotzen bada, ondorengo atalean zehaztutakoa aplikatu beharko da, c) paragrafoan publikitateari buruz ezarritakoa izan ezik. Azken kasu horretan, kontratatzailearen profilean lizitazio iragarkia eta kontratuaren esleipena argitaratuta publikitate printzipioak ezartzen duen betebeharra beteta gelditzen dela ulertuko da.

Era berean, kontratuaren zenbatekoa 60.000 eurokoa edo gutxiagokoa denean, ez da klausula ekonomiko eta administratiboen pleguaren eta baldintza teknikoaren pleguaren azterketarik eta txosten juridikorik egingo.

2.4. **100.000 eta 199.999,99 euro bitarteko zenbatekoa duen kontratua.**

Mota horretako kontratuetan, **prozedura ireki edo mugatu bidez esleitu da** kontratua. Hautatutako prozedura zehatza jasoarazi beharko da klausula ekonomiko eta administratiboen pleguan.

Prozedura irekiaren zein mugatuaren aldeko hauta egiten bada, honako arau hauek hartu beharko dira aintzat:

a) Eskaera: eskaera egiteko, IMHko barneko langileek jarraibide hauen III. Eranskin gisa gaineratzen den formularioa bete beharko dute.

b) Pleguak: klausula ekonomiko eta administratiboen plegu bat (jarraibide hauen II. epigrafeko B atalean aurreikusten den edukiarekin) eta baldintza teknikoaren plegu bat egingo dira.

Dokumentu horiek berraztertu egingo dira, edo txosten juridikoaren menpe egongo dira. Pleguan bertan edo dokumentazio osagarrian, hala dagokion kasuetan, lan kontratuen subrogazio baldintzei buruzko informazioa eman beharko da, SPKLTBren 120. artikuluan ezarritakoari jarraituz.

c) Publizitatea: lizitazioa argitara emango da, gutxienez, kontratatzailearen profilean eta Gipuzkoako Aldizkari Ofizialean, edo kontratatzailearen profilean eta probintziako egunkari batean –klausula ekonomiko eta

administratiboen pleguan, egin den aukera zehatza eman beharko da aditzera.

Kontratuaren esleipena kontratatzailearen profilean argitaratuko da.

d) Proposamenak aurkezteko epea: klausula ekonomiko eta administratiboen pleguan zehaztuko da proposamenak aurkezteko epea; alabaina, ez da inoiz hamabost (15) egun baino gutxiagoko epea izango. Haatik, kontratazio organoaren iritziz, epea murriztea justifikatuko duten zirkunstantzia bereziak gertatzen direnean, laburragoa izan daiteke epea.

e) Proposamenak aurkezteko modua: proposamenak sekretuak izango dira, eta gutunazal itxietan aurkeztuko dira, klausula ekonomiko eta administratiboen pleguan zehazten den moduan.

f) Ebaluazioa: kontratazio organoak zehaztuko ditu kontratua esleitzeko oinarri izango diren irizpideak, baita horien haztapena ere. Iragarkian eta klausula ekonomiko eta administratiboen pleguan adieraziko dira.

Kontratuaren xedearekin zuzenean lotzen diren irizpideak izan daitezke, hala nola kalitatea, prezioa, obraren erabileraren ondoriozko ordainsariak berraztertze erabil daitezkeen formula, zerbitzua gauzatzeko edo egiteko epea, erabiltzearen kostua, ingurumen ezaugarriak, gizarte eskakizunekin lotzen diren ezaugarriak, errentagarritasuna, balio teknikoa, ezaugarri estetikoak edo funtzionalak, ordezko piezen eskuragarritasuna eta kostua, mantentze lanak, laguntza teknikoa, salmenta osteko zerbitzua, eta antzeko beste batzuk.

Klausula ekonomiko eta administratiboen pleguan, honako zeregin hauek izango dituen Batzordearen ezaugarrien berri emango da: aurkeztutako proposamenak ebaluatzeko txosten objektibo bat egitea eta proportzioz kanpokotzat edo anormaltzat hartu ez diren proposamenen berri ematea kontratazio organoari, handienetik txikienera ordenatuta, klausula ekonomiko eta administratiboen pleguan aurreikusitako balioespen irizpideei jarraituz. Halaber, Batzorde horrek eskaintza ekonomiko onuragarrienaren berri emango dio kontratazio organoari. 60.000 euro baino gehiagoko kontratuetan, proposamenarekin batera, txosten juridiko bat bidaliko da, baldin eta Batzordean aholkularitza juridikorik barne hartu ez bada.

g) Kontratua esleitzea: kontratazio organoak ekonomikoki eskaintzarik onuragarrienari esleituko dio kontratua, betiere, klausula ekonomiko eta administratiboen pleguan aurreikusitako balorazio irizpide objektiboen arabera, eta esleipen proposamenaren arabera, eta Ebaluazio Batzordearen proposamena aztertu ondoren.

Kontratazio organoak kontratuaren esleipena erabakiko du, eta lizitatzailerei jakinaraziko zaie, kontratatzailearen profilean argitaratzearekin batera.

Kontratazio organoak kontratua Ebaluazio Batzordeak eginiko proposamenari jarraituz esleitu ezean, arrazoitu egin beharko du erabaki hori.

Plegu horretan edo honako jarraibide hauetan espresuki aurreikusten ez diren alderdietan, berriz, honako artikulua hauetan aurreikusitakoa aplikatuko da:

- prozedura irekirako eta prozedura mugaturako, 151. artikuluan aurreikusitakoa (1., 2. eta 3. atalak)

- prozedura irekirako, 157., 158., 160. (ez da inoiz aplikatzekoa izango adituen batzordearen edo erakunde tekniko espezializatuaren arloan aurreikusten dena) eta 161. artikuluetan aurreikusitakoa; prozedura mugaturako, 162., 163., 165., 166., 167. eta 168. artikuluetan aurreikusitakoa, baita, adierazitako artikuluko horiek igorrita, aplikatzekoak izan daitezkeen beste artikuluko batzuetan ezarritakoa ere. Bi kasu horietan, herri administrazioa ez izatearen ondorioz egin beharreko egokitzapenak izan beharko dira aintzat.

IV. Errekurtsiak

Kontratu horiek prestatu, esleitu, bete edo iraungitzearen arloko edo kontratuen ondorioen arloko edozein gairen aurrean, **jurisdikzio zibilar** soilik jarri ahal izango zaizkio errekurtsiak.

SPKLTBren II. eranskineko 17tik 27ra bitarteko kategorietan sartzen diren zerbitzu kontratuak prestatzeko eta esleitzeko lotutako gaiei dagokienez (200.000 euroko edo gehiagoko kontratuak), jarraibide hauen C ataleko IV. epigrafean erregulazio harmonizatuaren menpeko kontratuetarako ezarritakora joko da.

Horrez gain, kontratuen ondorioen arloan edo kontratuak betetzearen eta iraungitzearen arloan sor daitezkeen desberdintasunak ebazteko, arbitrajera jo ahal izango da, abenduaren 23ko 60/2003 Legearen xedapenen arabera. Edonola ere, klausula ekonomiko eta administratiboan pleguan jaso beharko da **arbitrajera** jotzeko aukera hori, edo, gisa horretako plegurik ez badago, beste edozein kontratu dokumentutan jaso beharko da.

C. ERREGULAZIO HARMONIZATUAREN MENPE DAUDEN KONTRATUAK

Honako kontratu hauek dira:

- Obra kontratuak, 5.000.000 euroko balioa edo balio handiagoa dutenak.
- Hornidura kontratuak, 200.000 euroko balioa edo balio handiagoa dutenak
- Zerbitzu kontratuak, SPKLTBren II. eranskineko 1etik 16ra bitarteko kategorietan sartzen direnak eta 200.000 euroko balioa edo balio handiagoa dutenak.

Zenbateko horiek⁴ BEZ gabekoak dira.

Hori guztia 13.2 artikuluko kontratuen salbuespenarekin, ez baitira erregulazio harmonizatuaren menpe egongo –horien balio zenbatetsia edozein izanik ere–. I. Orokorrean aplikatu beharreko arauak Erregulazio harmonizatuaren menpe dauden kontratuei jarraibide hauen I. epigrafeko B atalean erregulazio harmonizatuaren menpe ez dauden kontratuetarako aurreikusten dena izango zaie aplikatzekoa. Honako espezialitate hauekin:

⁴Edo Europako Batzordeak ezartzen duen zifra, SPKLTBren hamaikagarren xedapen gehigarrian aurreikusitakoaren arabera.

I. Orokorrean aplikatu beharreko arauak

1. Espezialitateak, kontratistek bete beharreko baldintzei dagokionez

1.1. Gaitasun baldintzei dagozkien espezialitateak

Legearen 54. artikuluan xedatutakoaz gain, 55. artikulua ere izango da aplikatzekoa (alde batera utziko da Merkataritzako Munduko Erakundearen kontratazio publikoari buruzko akordioa sinatu duten Estatuetakoen enpresekiko elkarrekikotasunari buruzko txostena).

1.2. Gutxienerako kaudimen baldintzei dagozkien espezialitateak

Jarraibide hauetako B.I epigrafeko 2.4 atalean xedatutakoaz gain, 74. artikulutik 79. artikulura bitarteko artikuluetan kaudimena egiaztatzeko moduei buruz xedatutakoa aplikatuko da.

1.3. Kalitate bermeari buruzko arauak eta ingurumen kudeaketako arauak betetzea

80. eta 81. artikulua aplikatuko dira kalitate bermeari buruzko arauak eta ingurumen kudeaketako arauak betetzen direla egiaztatzeari dagokionez. Ondorio horretarako aurreikuspenak klausula ekonomiko eta administratiboen pleguan ezarriko dira.

2. Kontratua prestatzea

Baldintza teknikoak definitzeko eta ezartzeko, Legearen 117. artikuluan finkatutako arauak aplikatuko dira.

Honako artikulua hauetan xedatzen dena ere izango da aplikatzekoa: 118. artikuluan (kontratua gauzatzeko baldintza bereziak), 119. artikuluan (fiskalitatearen, ingurumen babesaren, enpleguaren eta laneko baldintzen arloko betebeharrei buruzko informazioa) eta 120. artikuluan (lan kontratuetako subrogazio baldintzei buruzko informazioa).

Atzeratu ezin den premia bat asetzeko kontratua egitea beharrezkoa bada, edo interes publikoko arrazoiengatik esleipena bizkortu nahi bada, kontratazio organoak premia kotzat jo ditzake izapideak –prestatzeko dokumentazioan behar bezala arrazoiu beharko du hori–. Hala egiten bada, epeak murrizteari buruzko Legearen 112.2.b) artikuluan aurreikusten dena aplikatuko da. Klausula ekonomiko eta administratiboen plegua eta baldintza teknikoen plegua berraztertu egin beharko dira, eta txosten juridikoaren menpe egongo dira.

3. Kontratua gauzatzea eta formalizatzea

Kontratua formalizatzearekin batera gauzatuko da behin betiko kontratua, eta idatziz formalizatuko da.

II. Plegua

Klausula ekonomiko eta administratiboen pleguak honako alderdi hauek zehaztu ahal izango ditu erregulazio harmonizatuaren menpe ez dauden kontratuetarako –betiere, jarraibide hauen II. epigrafeko B atalean adierazitakoaz gain:

- Kalitate bermeari buruzko arauak eta ingurumen kudeaketako arauak betetzen direla egiaztatzea (SPKLTBren 80. eta 81. artikuluek xedatzen duten moduan).

- Kontratua gauzatzeko baldintza bereziak eta ez betetzearen ondorioak (SPKLTBren 118. artikuluan aurreikusten den moduan).

- Fiskalitatearen, ingurumen babesaren, enpleguaren eta lan baldintzen arloko betebeharrei buruzko informazioa (SPKLTBren 119. artikuluan aurreikusten den moduan).

III. **Esleitzeko prozedura**

Erregulazio harmonizatuaren menpe dauden kontratuak SPKLTBren 190. artikuluan ezarritakoaren arabera esleitzeko dira, hau da, herri administrazioen kontratuetarako aurreikusten den bezalaxe, betiere, honako egokitzapen hauekin:

- a) Ez da aplikatuko 150. artikuluan 2. ataleko bigarren artikuluan ezarritakoa, irizpide subjektiboak baloratzeko adituen batzordearen esku-hartzeari dagokionez.
- b) Ez da aplikatuko 152. artikuluan 1. eta 2. ataletan ezarritakoa, eskaintzen izaera anormala edo proportzioz kanpokoa hautemateko irizpideei dagokienez.
- c) Ez da aplikatuko 156. artikuluan ezarritakoa, kontratuak formalizatzeari dagokionez, artikuluan horren 3. atalean ezarritako epearen eta 5. artikuluan ezarritakoaren kaltetan izan gabe.
- d) Ez da aplikatuko 160. artikuluan ezarritakoa, proposamenen azterketari eta esleipen proposamenari dagokienez.
- e) Ez da aplikatuko 172. artikuluan ezarritakoa, zerbitzu publikoa kudeatzeko kontratuak esleitzeko prozedura negoziatura jo daitezkeen suposizioei dagokienez.

Premia dela eta, Legeak ezartzen dituen gutxienerako epeak bete ezin direnean, epeak murrizteari buruzko 112.2.b) artikuluan aurreikusten dena aplikatuko da.

Klausula ekonomiko eta administratiboen pleguan, honako zeregin hauek izango dituen Batzordearen ezaugarrien berri emango da: aurkeztutako proposamenak ebaluatzeko txosten objektibo bat egitea eta proportzioz kanpokotzat edo anormaltzat hartu ez diren proposamenen berri ematea kontratazio organoari, handienetik txikienera ordenatuta, klausula ekonomiko eta administratiboen pleguan aurreikusitako balioespen irizpideei jarraituz. Halaber, Batzorde horrek eskaintza ekonomiko onuragarrienaren berri emango dio kontratazio organoari. Proposamen hori txosten juridiko batekin batera bidaliko da, baldin eta Batzordean aholkularitza juridikorik barne hartu ez bada.

Lizitatzailleek esleipenaz jasoko duten jakinarazpenean, baztertutako lizitatzaille edo hautagaiari dagokion informazioa emango zaio errekurtsio arrazoitu bat jartzeko esleipen erabakiaren aurka, SPKLTBren 40. artikuluari jarraituz. Zehatzago, honako informazio hau jasoko du jakinarazpen horretan:

- a) Baztertutako hautagaien kasuan, hautagaitza baztertzeko arrazoiak, labor azalduta.
- b) Esleipen prozeduratik kanpo utzitako lizitatzailleen kasuan, eskaintza kanpoan uzteko arrazoiak, labor azalduta.

- c) Nolanahi ere, esleipendunaren izena eta haren proposamenaren ezaugarriak eta onurak, gainerako lizitatzailleen proposamenen gainetik geratu izanaren arrazoiak garbi ikusteko moduan adierazita.

Esleipenaren arrazoietan, konfidentzialtasun salbuespena, 153. artikuluan ageri dena, aplikatuko da.

Nolanahi ere, kontratua zein epetan formalizatuko den (156.3 artikuluari jarraituz) adieraziko da bai jakinarazpenean bai kontratatzailearen profilean. Lizitazioaren eta kontratua formalizatzearen berri eman beharko da honako hauetan gutxienez:

- a) Europar Batasuneko Aldizkari Ofizialean eta 334. artikulua aipaturiko kontratazio plataforman edo IMH daraman herri administrazioak kudeatutako sistema baliokidean.
- b) Europar Batasuneko Aldizkari Ofizialean eta Estatuko Aldizkari Ofizialean.

Era berean, lizitazioaren, esleipenaren eta kontratua formalizatzearen iragarkiak kontratatzailearen profilean argitaratuko dira.

IV. Errekurtsoak

1. **Prestatzea eta esleitzea**

Hala nahi izanez gero, **kontratazioei buruzko errekurtsu berezia** jar daiteke administrazioarekiko auzi errekurtsua jarri aurretik, honako kasu hauetan:

- a) kontratazioa arautzeko baldintzak biltzen dituzten lizitazio iragarkiak, pleguak eta kontratu dokumentuak.
- b) esleitzeko prozeduran egindako izapideak, baldin eta izapide horiek esleipenari buruzko erabaki zuzenak edo zeharkakoak badira, prozedura bertan behera uzteko erabakigarriak badira, edo legezko eskubide edo interesak guztiz hondatzen edo babes gabe uzten badituzte.
- c) esleitzeko erabakiak.

Errekurtsua jartzen duenak SPKLTBren 41. artikuluko 5. atalean ezarritakoari begira aukeratuko du zein organok izango duen errekurtsua ebazteko eskumena.

Errekurtsua jartzeko idazkia IMHko kontratazio organoaren erregistroan edo errekurtsua ebazteko aukeratutako organo eskudunaren erregistroan aurkeztu behar da nahitaez.

Kontratazioaren arloko errekurtsu berezia SPKLTBren 40. artikuluan eta hurrengoetan aurreikusitakoaren arabera bideratuko da.

Behin-behineko neurriak eskatzeari dagokionez, SPKLTBren 43. artikuluan ezarritakora joko da.

Errekurtsuaren erabakiaren aurka administrazioarekiko auzi errekurtsua soilik jarri ahal izango da, betiere, **administrazioarekiko auzien jurisdikzioa** arautzen duen uztailaren 13ko 29/1998 Legean xedatutakoaren arabera.

Baliogabetasun auziei dagokienez, SPKLTBren 39. artikuluan ezarritakora joko da.

SPKLTBren II. eranskineko 17tik 27ra bitarteko kategorietan sartzen diren zerbitzu

kontratuak erregulazio harmonizatuaren menpe ez dauden arren –zenbatekoa edozein izanik ere–, zerbitzu kontratu horien zenbatekoa 200.000 eurokoa edo gehiagokoa bada, kontratazioaren arloko errekurtsio bereziaren, behin-behineko neurrien eta administrazioarekiko auzi errekurtsioaren menpe egon daitezke kontratu horiek, eta baita baliogabetasun auzien menpe ere, atal honetan aurreikusten den moduan.

2. Ondorioak eta amaiera

Kontratu horiek betetzearen edo iraungitzearen arloko eta kontratu horien ondorioen arloko edozein gairen aurrean, jurisdikzio zibilari soilik jarri ahal izango zaio errekurtsioa.

V. Ofizioz berraztertzea

Erregulazio harmonizatuaren menpe dauden kontratuak prestatzeko eta esleitzeko egintzak ofizioz berraztertuko dira, azaroaren 26ko 30/1992 Legearen VII. Tituluaren Lehen Kapituluaren ezarritakoaren arabera.

Ekintza horien baliogabetasuna edo kaltegarritasuna deklaratzeko eskumena izango du IMH atxikita dagoen edo haren babesa duen administrazioaren sailaren, organoaren, entitatearen edo erakundearen titularrak. Berraztertze eskaera egin duenak IMH atxikita dagoen administrazioetako bat aukeratu du.

Hori guztia SPKLTBren 34. artikuluan aurreikusitakoaren arabera.

D. KONTRATATZAILEAREN PROFILA

IMHk Internet bidez hedatuko du bere kontratatzaile profila. Horrela, kontratuko jardueraren inguruko gardentasuna bermatuko du, eta kontratuko jarduerari buruzko informazioa guztiengana irits daitekeela ziurtatuko du.

Pleguetan eta lizitazio iragarkietan, besteak beste, zehaztuko da kontratatzailearen profileraren sartzeko modua.

Kontratatzailearen profila eusten duen sistema informatikoak gailu egokia izan beharko du bertan gaineratutako informazioa noiz hasten den hedatzen zinez egiaztatzeko.

IMHn kontratatzaile profilean honako datu eta informazio hauek emango dira:

- a) Kontrataziorako barne jarraibide hauek.
- b) Kontratuen lizitazio iragarkiak, publizitaterik gabeko kontratu txikiak eta negoziatuak izan ezik.
- c) Kontratuen esleipena, kontratu txikiak izan ezik.
- d) Erregulazio harmonizatuaren menpe dauden kontratuen formalizazioa.

Horrez gain, kontratatzailearen profilean IMHn kontratuko jarduerari buruzko edozein datu eta informazio barne hartuko da, honako hauek besteak beste: Legearen 141. artikuluan aurreikusten diren informazio iragarkiak; irekita edo aribidean dauden lizitazioak; lizitazio horien dokumentazioa; programatutako kontratazioak; esleitutako kontratuak; bertan behera geratutako prozedurak; kontratazio organoarekin harremanetan jartzeko erabil daitezkeen harreman puntuak eta komunikazio bideak; etab.

4. Artikulua. Kanpoan dauden negozioak eta kontratuak

1. Lege honen esparrutik kanpo daude honako negozio eta erlazio juridiko hauek:

- a) Funtzionario publikoen zerbitzuak eta lan legerian araututako kontratuak.
- b) Zerbitzu publiko bat egitearen ondoriozko erlazio juridikoak, baldin eta zerbitzu hori erabiltzeko aplikazio orokorreko tarifa, tasa edo prezio publiko bat ordaindu behar bada.
- c) Estatuko Administrazio Orokorrek honako erakunde hauekin egiten dituen elkarlanerako hitzarmenak, eta erakunde eta entitate hauek elkarren artean egiten dituzten elkarlanerako hitzarmenak –haien izaeragatik Lege honen menpeko kontratutzat jotzen direnak izan ezik–: Gizarte Segurantzaren zerbitzu komunak eta entitate kudeatzaileak, unibertsitate publikoak, autonomia erkidegoak, tokiko entitateak, erakunde autonomoak eta gainerako entitate publikoak.
- d) Hitzarmenak arautzen dituzten berriazko arauen indarrez, administrazioak zuzenbide pribatuaren menpe dauden pertsona juridikoekin edo fisikoekin egiten dituen hitzarmenak, betiere, hitzarmenaren xedea ez badago Lege honetan edo administrazio arau berezietan arautako kontratuen xedearen artean.
- e) Europar Batasunaren Funtzionamendurako Itunaren 346. artikulua esparruak barne hartzen dituen hitzarmenak –defentsaren sektorean erabakitzen direnak–.
- f) Estatuak beste estatu batzuekin edo nazioarteko zuzenbide publikoko entitateekin egiten dituen hitzarmenak.
- g) Herri administrazioen menpeko zuzenbide publikoko erakunde zuzeneko jardueri dagozkien hornidura kontratuak –erakunde horiek merkataritzako, industriako, finantzako edo antzeko beste arlo batzuetako jarduerak garatuko dituzte–, baldin eta kontratu horien menpe dauden ondasunak (aldaketekin edo aldatu gabe) ondare trafikoa juridikora itzultzeko asmoz eskuratu badira haien xede bereizgarrien arabera, betiere, erakunde horiek Legeak esleitzen dizkien berriazko eskumenen jardunean dihardutenean.
- h) Europar Batasunaren Funtzionamendurako Itunaren arabera, Europar Batasuneko kide ez diren herrialde batekin edo batzuekin egindako nazioarteko akordioen ondoriozko kontratuak eta hitzarmenak, betiere, obra bat batera egiteari edo ustiatzeko obrei edo hornidurei dagozkienak edo proiektu bat batera egiteko edo ustiatzeko zerbitzuen kontratuei dagozkienak.
- i) Armada kokatzaren alorreko nazioarteko akordioaren indarrez egindako kontratuak eta hitzarmenak.
- j) Nazioarteko antolakunde baten berriazko prozedura baten indarrez esleitutako hitzarmenak eta kontratuak.
- k) Arbitrajeko eta adiskidetzeko zerbitzuei dagozkien kontratuak.
- l) Baloreak edo beste finantza tresna batzuk jaulkitzearekin, erostearekin, saltzearekin eta eskualdatzearekin lotzen diren finantza zerbitzuen kontratuak, zehazki: Estatuaren finantza kudeaketako eragiketak; sektore publikoko erakundeek eta entitateek funtsak edo kapitala lortzeko eragiketak; Espainiako Bankuak egindako zerbitzuak; eta diruzaintzako eragiketak.

m) Sektore publikoko erakunde edo entitate batek ondasunak edo eskubideak emateko edo zerbitzuren bat egiteko konpromisoa hartzen duen kontratua. Edonola ere, ondasunak eskuratzen dituenak edo zerbitzuen hartzaileak (baldin eta Lege honen menpe dagoen sektore publikoko entitate bat bada) kontratua egiteko aginduetara moldatu beharko dute.

n) Entitate bati zerbitzu jakin bat egitea agintzen dioten negozio juridikoak –entitate horrek berezko bitarteko izaera eta zerbitzu tekniko izaera izan beharko du, 24.6 artikuluan adierazitakoaren arabera–. Hala ere, Lege honen menpe egongo dira berezko bitarteko eta zerbitzu tekniko gisa har daitezkeen entitateek enkarguaren ondoriozko zerbitzuak gauzatzeko egin behar dituzten kontratuak. Horretarako, egiten dituen entitatearen eta zenbatekoen arabera bidezkoa izan daitekeena hartuko da aintzat. Edonola ere, obra, zerbitzu edo horniduren arloko kontratuak direnean, eta horien zenbatekoak Aurreiazko Titulu honen II. kapituluaren 2. sekzioan ezarritako atalaseak gainditzen dituztenean, zuzenbide pribatuko entitateek 137.1 eta 190. artikuluetan ezarritako arauak izango dituzte kontuan kontratu horiek prestatzeko eta esleitzeko.

o) Jabari publikoko ondasunen gaineko baimenak eta emakidak ustiatzeko kontratuak eta 7. artikuluan definitutakoaz bestelako ondare ondasunak ustiatzeko kontratuak, haien berariazko legeriaren arabera arautuko direnak –Lege honen aginduak aplikatzekoak izango direla aditzera ematen den kasuetan izan ezik.

p) Ondasun higiezin, balio negoziagarrien eta jabetza ukiezin gaineko salerosketako, dohaintzako, trukeko, errentamenduko eta gainerako antzeko negozio juridikoetako kontratuak, betiere, ordenagailuko programei ez dagozkienean eta hornidura kontratu edo zerbitzu kontratu gisa kalifikatu behar direnean izan ezik. Izan ere, kontratu pribatuko izaera izango dute beti, eta ondare legeriari jarraituz eraenduko dira. Kontratu horietan ezin izango dira sartu Aurreiazko Tituluaren II. kapitulu 1. sekzioan arautzen diren kontratu tipikoen berezko zerbitzugintzak, baldin eta horien balio zenbatetsia negozioaren guztizko zenbatekoaren 100eko 50etik gorakoa bada, edo ondare kontratuaren berezko zerbitzuarekin lotespen erlaziorik mantentzen ez badute eta osagarriak ez badira –25. artikuluan aurreikusten den moduan–. Bi suposizio horietan, zerbitzu horien kontratazio independentea egin beharko da, Lege honetan ezartzen denaren arabera.

q) Estatuko ikerketako erakunde publikoek eta autonomia erkidegoetako antzeko erakundeek egindako zerbitzu eta hornidura kontratuak, baldin eta ikerketa, garapen eta berrikuntza teknologikoko proiektuak gauzatzeko beharrezko zerbitzuak, produktuak edo zerbitzu teknikoak gauzatzea bada horien xedea. Edonola ere, horien ondoriozko emaitzak aurkezteak eta lortzeak lotuta egon beharko du trafiko juridikora txerta daitezkeen erretornu zientifikoekin, teknologikoekin edo industrialekin.

r) Kontratazio organoak ordainduko ditu ikerketa eta garapen kontratu osoak, betiere, organo horrek enpresa esleipendunekin partekatzen baditu merkatuan eskura daitezkeen konponbide berritzaileak garatzeko beharrezko ikerketa zientifikoaren eta teknikoaren arriskuak eta irabaziak. Kontratu horiek esleitzean, publizitate, lehia, gardentasun, konfidentziasun eta berdintasun printzipioak errespetatu beharko dira, baita bazterkeriarik eza eta ekonomikoki onuragarriena den eskaintzaren hautaketa ere.

2. Aurreko atalean zerrendatutako kontratuak, negozioak eta erlazio juridikoak haien arau berezien bidez arautuko dira; alabaina, Lege honen printzipioak aplikatuko dira aurkez daitezkeen zalantzak edo hutsuneak ebazteko.

13. Artikulua. Muga orokorrak.

2. Aurreko atalean adierazitakoaz bestalde, honako kontratu hauek ez dira erregulazio harmonizatuaren menpe egongo, horien balio zenbatetsia edozein izanik ere:

- a) Irratidifusioko erakundeek irratidifusiorako programak erostea, garatzea, ekoiztea edo batera ekoiztea helburu dutenak, eta irratidifusioko aldiari dagozkionak.
- b) Kontratazio organoak osorik ordaindutako ikerketakoak eta garapenekoak, baldin eta horien emaitzak organo horrek bere jarduerarako soilik erabiltzeko gordetzen ez badira.
- c) Europar Batasunaren Funtzionamendurako Itunaren 346. artikulua esparruan barne hartzen direnak –defentsaren sektorean erabakitzen direnak–.
- d) Sekretuak edo erreserbatuak izendatzen direnak, edo, gauzatu nahi badira, segurtasun neurri bereziak behar dituztenak –indarrean dagoen legeriaren arabera, edo Estatuaren segurtasunerako funtsezko interesak babestea eskatzen dutenak. Hala gertatzen delako adierazpena, Estatuko Administrazio Orokorraren, bere erakunde autonomiadunen, Gizarte Segurantzari loturiko kudeaketa erakunde eta zerbitzu komunak eta Estatuko gainerako erakunde publikoen esparruan kontratazio organoa daraman ministerio sailaren titularrak egin beharko du, berariaz eta kasuan kasu; edota autonomia erkidegoetako organo eskudunak; edo, bestela, toki erakundeetan dagokion kontratua egiteko eskumena duen organoak. Adierazpen hori egiteko eskumena ezin da eskuordetu, legeren batek berariaz horretarako baimena eman ezean.
- e) Kontratazio organoari telekomunikazio sare publikoak abian jartzeko edo ustiatzeko aukera ematea helburu dutenak, edo hiritarrei telekomunikazio zerbitzu bat edo batzuk hornitzeko aukera ematea helburu dutenak.

III. Eranskina

Makina Erreminta Arloko Prestakuntza Teknikorako Fundazioa		KONTRATAZIO ESKAERA			
Eskatzailea		Taldea		Data	
KONTRATAZIOAREN XEDEA ETA KONTRATU MOTA					
BETE BEHARREKO PREMIEN IZAERA ETA IRITSIERA					
KONTRATUAREN JUSTIFIKAZIOA ETA EGOKITASUNA					
ZEHASTAPEN TEKNIKO INTERESDUNAK					
GUTXI GORABEHERAKO PREZIOA					
Arlo eskatzaileko arduradunaren oniritzia			Administrazio zuzendariaren oniritzia		
Izena		Izena			
Data		Data			